


樺川縣志禮

地439.103
42
:1-6

一 卷
志 革 沿
志 地 輿



民國十七年三月

樺川縣志

章啓槐題

戊辰孟春

巖疆備乘

張作相題

樺川縣志序



吉林樺川縣志編纂告成將付剞劂唐令勵宣以序爲請按樺川設治於前清宣統初元其地處宋瓦之中流與江省接壤爲東北險隘近十數年庶事草創經營擘畫成規漸著地頌膏沃民譎優饒帆檣戢戢田井每每然文獻未備凡一邑之中今昔沿革政俗民物下至堡壘樓閣之遺蹟田廬芻牧之概數宜以要最著於官書使守土者有以知人事之所宜政治之本末辨肥瘠以布其利察奢儉以制其俗因其基緒進其事功則縣志之編纂又烏容後哉余又以謂吉省自隋迄明爲州爲郡爲路爲衛累代戰爭故往時重軍事而忽民治詳族帳而略戶籍典章刑政書缺有間幾無可稽考縣志更無論矣固宜網羅散軼彙成書嘉惠士林昭示來許是編雖開章明義胚胎伊始而山川形勢政俗人物於焉略備亦足爲留心邊事及采風之考證倘後之來者增華踵事推廣新編俾成全志則余之所厚望也是爲序

民國十六年十月遼陽誠允序

樺川縣志序

黃梨洲稱志書之善者以楊升庵四川趙浚谷平涼二書爲最他若襄陽耆舊荆楚歲時浦陽人物新安文獻若斯之倫匪可殫舉近世惟汪士鐸所作上元志紀載詳備幾於史裁矣得其似者厥有顧石公明經修纂之吉林通志實在有清光緒中葉文筆雅飭爲當代所希今樺川縣志一據依省志以爲根柢能知所從事矣樺川前隸三姓迨清末始行設治入民國輒改爲縣官斯土者懃懃以修志爲先務鄭君士純草創之於前唐君純禮益踵而葺之於後遂得告厥成功不其懿歟夫樺川一新造之邑金礦森林大豆貂狐之產之富蓄之既久至輒近而始稍稍發其藏誠天府之雄圖也疆梁恣睢眈眈涎伺於其側土人種落乃日益衰息獨猶幸齊魯之民不待董督而自能移居以填實之沿松花江上游蓋比比而然獨一樺川也乎哉優而柔之整齊而劃一之則賢有司之事也一代之文物典章實爲一代政令條教所自出惇史具在縣志其濫觴也驗之方來以垂之無窮跂予望之矣民國十有七年歲

在戊辰閏月撫順張煥相

樺川縣志序

自來輿地志記條縷至頤而撰著綦難匪第以供山經地志之探討也其必致詳於郡邑之沿革疆索之廣袤山川原陞之形勝兵農錢穀之豐絀以及風俗吏治人物傳記審乎利病所在明其得失之林史官載筆得所憑依體國經野資爲施措此元和郡縣元豐九域等志所以炳麟於乙部也自有明著令設局編纂省縣志書數百年來宇內通都大邑之有志乘可稽者固已更僕難數且迭經續修者有之顧茲事不難於搆而難於因不難於書策習見之地而難於陬濶僻左之區樺川地望位於吉林之東北極邊周隸肅慎漢晉隸挹婁元魏後爲勿吉隋爲靺鞨唐爲靺鞨之黑水郡歷遼金元明清爲部爲府爲屯爲衛爲赫哲哈喇爲三姓四甲前清宣統年間甫經設治載葺邑廨雖襟山帶江之勝槩亘古如斯而跡之名稱遞嬗之源流可以覘其遼闊鴛遠舊處於綏要荒服之外而爲肇造方新之邑矣比年 鄭唐兩邑侯先後規隨蒞官斯土承 大府嘉命監製是編發凡起例綱舉目張上下古今燦然

樺川縣志

卷一序

明備以遠紹旁搜之力竟鴻篇鉅製之功後此之徵文攷獻者其必視此媿於古之百二寶書殆斷斷無疑義矣抑猶有進者樺川地域控俄疆之阨塞爲天府之隩區交通則兼水陸舟車物產則饒農林金礦歷經 賢令尹經營締造治具畢張溯距鴻濛之闢才十有餘年耳循是孟晉圖維吾知生聚教訓之餘立儕於赤紫壯縣之列又從可知也則擬是編於裴岑紀功之石誰云不宜

中華民國十七年仲春

雙城莫德惠序

樺川縣志序

服官餘事徵文獻此道由來與政通書續黃嚴才未盡石搜赤
玉物何豐併將雲夢吞胸裏忽送江山到眼中三撫斯編心嚮
往矐矐爲詠日生東

遼陽孫其昌

樺川縣志序

樺川居吉林省之東北松花江之中游舊爲赫哲民族漁獵之區勝清時代屬於三姓都統管轄至宣統二年甫設縣治爲時未久一切聲名文物均在草創凡山經地志之著載民風政俗之沿革援古證今殊難按圖以索此而欲遽編縣志誠憂憂乎難之唐令勵宣繼任鄭令之後依其著手未成之縣志約同境士紳賡續編輯不數月而告成於政治輿地諸大端罔不綱舉目張有條不紊設非心精力果何能以司馬之工兼枚舉之敏有如是乎後之官斯土者如更能以唐令之心爲心隨時增修益期美善於一省之通志一國之史乘其裨益當非淺鮮由是闢膏腴之壤爲富庶之區而復加之以禮教將見雀鼠無爭訟庭花落尤鄙人所忻慕焉是爲序

中華民國十七年四月義縣富春田序

樺川縣志序

觀夫編纂縣志一書所記載者可謂至詳且備其明文註解益人閱瞭尤屬盡善盡美思斯書也係夫已往名人之品行政治之沿革山川之源流地理之磽腴以及現今新政諸大端不但增人廣見益爲後人思齊有所豁從造益良多念及種種完美之處使今人後人閱者三復百讀得其奧妙則品學日修德業日進此皆秉筆記錄褒貶莫容之所致也故遂援筆以爲序

吉林綏寧鎮守使趙芷香序

樺川縣志序

竊維縣知事宰治一邑古有百里侯之稱非洞悉全境之風俗人情山川道路以及古今沿革地方利弊不足探出治之本源然僅知之而不能調查詳盡蒐羅無遺著爲志乘傳之後來尤不足循古人之陳跡作後世之津梁故縣治一書關係最重創始亦最難樺邑僻在東陲設治僅十餘年榛桠未化文獻無徵從事考查諸多維艱唐公勵軒爲余舊交學問淵博識見宏通出宰一邑諒能措置裕如今讀所輯樺川縣志凡屬地方山川之險要風俗之純薄實業之興衰物產之贏絀以及交通教育度支警團諸大端無不援古證今詳諮博考著爲論說纖細靡遺近足爲一縣政治之規模遠即爲百世不易之治譜披讀數過佩慰莫名爰綴數語於簡端聊以慰唐公勵精圖治之苦心云耳是爲序

民國十七年四月初旬吉林全省清理田賦局局長兼吉林市政公所所長楊毓峯
謹識

樺川縣志序

歲丙寅夏六月樺川新令尹唐公寄以書謂樺川縣志脫稿囑爲序其簡端備付剞劂噫余固拙於文辭者其何以序諸去年春待罪樺川於斯志奉令聘員修輯蓋已數逾月矣竺舊闕如文獻既不足徵其關於一縣之文物制度私家又無專書可資摭拾案牘之掌故數年前之卷帙殘廢散失亦復難資參證漁樵采訪野老蒐談調集材料在在須時蓋翔修較續修之難如此本年春奉調去樺深以弗獲覩斯志之告成爲憾唐公經濟文章浸淫於古有年廣續督修不兩月而斯志以成雖未獲窺乎全豹其經唐公之刪剔潤色凡例之分明條目之翔實體制之謹嚴遙知其必有合也鴻篇鉅製炳炳麟麟其足以覘利病考得失羽翼治道豈乎尙矣竊維國之有史基於縣之有志在昔郡縣圖籍上諸外史泊乎有漢爰改國史之例頒爲郡縣之書於是山經地志戶口之強弱兵農錢穀之盈絀下至士女傳記風俗歲時之編莫不與乎體國經野之謀有明中葉著令省縣設局編纂上之戶部以備采擇科條繁

樺川縣志

卷一序

一

然其規模典制蓋至晚近而益備要其旨歸鑒夫郡國之利弊稽夫吏治之良窳指掌乎往昔之沿革陳跡以定從違去取續繹乎現在將來之興革損益以求裨益乎國計民生微特供博覽餉士林蓋縣志之爲書其與普通傳著正自有別不在樺學製歷前賢宰發政施仁慘淡經營其政績斑斑可考竊不自度輒亦有所矧爲期與於諸君子之列枘鑿甘徐自己兢兢然不敢自信時切虎尾春冰之懼凡所措施當或略見於斯志其有待於賢者之討論潤色補苴罅漏俾庶政日進於休明有造於樺邑固不僅縣志一端已也樺川之爲縣僻在邊陲延袤二三百里以至百餘里而遙匹馬巡郊環視境內松花紆繞清波千里頗饒漁業之利羣山叢嶺蓬勃奔赴上多百年大木蔥蘢蔽輒數十里成修林材木之用靡極周原廡野彌望無際下掘土質可七八尺以來厥土黑壤叢蒿茂草獐鹿潛伏農田之饒沃內地弗如遠甚去其山川河流壤地可闢三十餘萬垧足供一三十餘萬居民休養生息茲則熟田大租八萬餘垧不及三之一年來羣盜摧殘民戶遠移人家三五村落若晨星綜核

戶口不過十有一萬左右荒寒廓漠貨棄於地吁可憐已思得冀渤海者單車至郡
剿撫兼施劍牛化洽翕然安居籌邊墾殖盡所以招徠撫字之術所謂十年生聚桑
麻鷄犬地利以盡實業以興商業當益蒸蒸日上而國家之課賦自然三數倍之
而有餘既庶既富齊之政刑導之以禮樂納之於軌物範圍之內彬彬乎其東北之
名城歟以警團之脩整民衆之守望足以捍衛盜寇之侵凌一旦邊防有猝不及料
之變其足以寒豺狼之野心鞭撻抵禦用紓疆場北顧之憂抑又東北之屏藩關係
於國防者且重區區未竟之志輒自慚於材力之薄無以仰副
列憲寄託之殷也他日治權不乏賢豪魁傑之士數年後載酒航松花順流而下步
武舊邦茲譟四野其必有如今日之所期者文物制度登諸簡策播爲典章續脩斯
志之美且備也則斯志之勗脩其嚆矢也乎調任農安縣知事鄭士純謹識

樺川縣志序

樺川當松花中游之地土壤肥沃物產豐饒前清係三姓副都統管轄境域赫哲民
族漁獵之區地利未闢文教未興自宣統二年設治迄今十七載榛莽頓作良田平
沙陡成巨埠山川之形勢依然文野之程度迥異豈天之故薄於彼族歟抑地運之
變遷有如是者哉蓋亦昔之縣治未設政無專宰今之人謀之臧固勝於天然者也
然典章不備簡策無徵後之人徒生荒塞朔風之感無由據以爲傳述之資而欲援
古證今旁搜博引本乎國史之例創輯縣志一書列目分門燦然美備誠如鄭公自
序之所云難者惟是宰斯土者歷經十人而政治教育實業交通諸大端規模具在
治績昭然文化之興正未可限則調查採訪彙纂成書俾後世文獻可考前賢得不
湮沒者實運會之宜亦不佞所樂爲也而鄭公獨具隻眼開此先路披覽全編列目
二十有八復各繫以子目體例既賅備矣事蹟更信而有徵鄭公之創輯雖未竟其
全功不佞之接修僅勉成其一竇然滄海桑田變遷莫測斯志之作有待於後者正

多也既竟其編而於政餘之暇得自野老閒談謂沿江赫哲村屯如蒙古利蘇蘇屯
瓦里活吞敖其哈爾庫瑪等處當其盛時各出壯丁二十至四十不等編練成隊用
自保衛彼時戶口之數當自不尠曾幾何時蘇蘇屯所存者僅二十餘家其餘則五
六家縱云因生活不適漸徙於沿江下游然亦未見其若何發達噫彼族之盛衰正
與樺川文化成反比例焉特以弁諸簡端藉補遺闕後之觀覽者或亦有感於斯夫
中華民國十五年十一月七日唐純禮謹識

樺川縣志

創修縣志各官員銜名

監修

樺川縣知事

鄭士純

六等嘉禾章分省任用薦任職代理樺川縣知事

唐純禮

總纂

甲種金質獎章歲貢生

朱衣點

協纂兼調查

樺川縣警察所所長

侯兆錫

樺川縣教育局教育委員

陳師古

承辦

代理樺川縣教育局局長

王繼承

樺川縣志

卷一 創修縣志各官員銜名

樺川縣教育局局長

張寶樹

調查

樺川縣公署科長

陳丞顯

樺川縣公署文牘科員

陳學倫

駐樺吉林東北路陸軍第九旅二十四團第二營營長

劉俊山

樺川縣稅捐徵收局局長

宋鳳純

樺川縣木石稅費局委員

秦樹德

駐樺吉林永衡官銀錢號經理

劉際盛

駐樺東三省官銀號經理

任毓英

樺川縣郵政局局長

廖宏達

樺川縣電報局局長

黃學昌

佳木斯鎮電報局局長

蔣德芬

樺川縣電話局經理	王樹魁
佳木斯鎮電話局經理	崔際唐
樺川縣地方財務處主任	景祥
樺川縣保衛總隊部總隊長	張慶綸
樺川縣警察所總務股股員	馮祖培
樺川縣消防隊文牘員	王仲超
樺川縣商會會長	王樹魁
樺川縣商會坐辦	劉吉汶
樺川縣商會文牘員	孫紹芬
樺川縣商務會書記員	魏鴻業
樺川縣農會會長	趙寬
佳木斯航務局經理	陳緯

樺川縣志

卷一 創修縣志各官員銜名

二

佳木斯裕航公司經理	王子吉
樺川縣視學	艾定一
樺川縣視學	何純志
樺川縣第一校校長	呂守恭
樺川縣第一校教員	姚德虞
樺川縣第一校教員	王錫古
樺川縣第四校教員	郭尙觀
樺川縣第二校校長	桂一山
樺川縣第七校校長	孫德增
樺川縣第七校教員	李晉三
樺川縣第八校校長	李少民
樺川縣第十六校校長	袁獻芸

樺川縣第十校校長	王瑞
樺川縣第一女校校長	趙煥玉
樺川縣第一女校教員	周琪琨
義務繕寫	
樺川縣教育會會長	趙永清
義務繕寫兼調查	
樺川縣第一講演所所長	梁子經
樺川縣教育局收發員	張玉堂
鄉區調查專員	
樺川縣教育委員	陳無古
樺川縣第二講演所所長	林榮春
兩鎮城調查專員	

樺川縣志

卷一 創修縣志各官員銜名

樺川縣第一校教員	劉堯臣
	侯玉珮
繪圖員	
吉林武備學堂畢業	侯兆錫
<small>北京國民第一大校畢業員</small>	劉青寰
助理員	李生春
助理員	武善文
核對	
己酉科奉天拔貢生	楊新民
吉林省議會議員	袁獻璋

樺川縣志

凡例

- 一本志專記大事證以沿革首列二目已爲全志標明宗旨瑣聞碎記概付缺如
- 一樺川前代無郡邑可考引據殊難其確歸某屬或見諸旁郡足資考證者亦隨事徵引不敢概從簡略
- 一本志編述純出調查其一稿或二三見者言人人殊亦必集衆討論折衷一是非有稿及見諸呈報者概不登載以期信今而傳後
- 一本志每立一目必先叙明緣起及應志之理由有類小序竊比寧安或於篇中略叙沿革則仿吉江省志例也餘參酌各縣縣志增損而變通之
- 一本志小序頂格書記事則低二格按語低三格以清眉目
- 一本志以總目爲綱以子目爲目子目中尤有分目如大營之包小營則其線

樺川縣志

卷一 凡例

一

索也然必排比整齊朗若列眉以重秩序

- 一各縣志乘皆以縣爲經以鎮爲緯固志體所宜然本志有時縣鎮並列無分軒輊似乖體例然東西兩街恰有旗鼓相當之勢佳之事尤繁於悅非此則無以述其實若柳河鎮則鎮之而已不與茲例然必列縣於先以明系屬
- 一本志紀述多根據省志及依蘭縣志本省本道信而可徵其餘參考則有漢晉隋唐書遼金元明史及東華錄開國方略等數種附註轉錄竊效臨安或加按語以寓商榷則仿吉林通志例也
- 一歷任興革謹據事直書不參意見亦准士居其邦不非其大夫及庶人不議之例至地方一切事宜有時爲賢者緯書不盡意幸閱者諒之
- 一度支關乎經制各志均附書冊以資考核或事出於創並附原案以代敘述則一切仿自寧安亦班氏列晁錯貴粟之奏於食貨志吉林通志載章奏文移於田賦錄案牘於鑛廠各志例也